



CRITERIOS DE APLICACIÓN DAS BONIFICACIÓNS NA COTA COLEXIAL E DAS COTAS VOLUNTARIAS

(Aprobados pola Xunta de Goberno na súa sesión 17/2016 de 21 de decembro)

NORMAS COMÚNS A TODAS AS BONIFICACIÓNS E COTAS VOLUNTARIAS:

- A solicitude de aplicación de calquera bonificación e cota voluntaria suporá unha aceptación expresa dos requisitos establecidos polo Colexio, implicando un compromiso de comunicar calquera modificación nas circunstancias que fundamentan o dereito a aplicala.
- Suporán un desconto exclusivamente no importe da cota básica colexial, sen incluír o importe correspondente á cota do CSCAE.
- Aplicaranse exclusivamente mentres o Colexio teña constancia do mantemento da situación que orixinou o dereito a percibila.
- A aplicación da bonificación ou cota voluntaria por atoparse en situación de desemprego, xubilación, incapacitación total, absoluta ou gran invalidez serán incompatibles co exercicio libre da profesión.
- Non se aplicarán con carácter retroactivo, senón que se aplicarán dende a data de acreditación da situación que de lugar á bonificación ou cota voluntaria correspondente. O dereito a aplicación da bonificación ou cota voluntaria rematará o 31 de decembro do ano natural de presentación da solicitude, salvo no caso da bonificación por primeira colexiación que estenderá desde o trimestre no que se solicite ata o equivalente no exercicio seguinte, conforme ao determinado no documento de “Criterios de aplicación das cotas colexiais”
- Os colexiados que no exercicio anterior aplicaron as cotas voluntarias por ser funcionarios ou asalariados públicos con dedicación exclusiva, xubilados, prexubilados, ou por ter recoñecida unha incapacidade total, absoluta ou gran invalidez, non precisaran entregar a documentación acreditativa da vixencia da situación que da lugar á aplicación da cota voluntaria, sempre e cando se manteñan as circunstancias que orixinaron o dereito á cota voluntaria e salvo requirimento expreso da Secretaría colexial.
- O desfrute da cota voluntaria por ser funcionarios ou asalariados públicos con dedicación exclusiva, é incompatible coa pertenza a calquera das listas de peritos elaboradas polo COAG. En caso de anotarse nestas listas algún beneficiario da referida cota voluntaria, a mesma será anulada e o colexiado deberá aportar o importe da cota íntegra anual que resultaría de non aplicar a bonificación
- Os colexiados que soliciten unha bonificación por desemprego deberán aportar a documentación acreditativa correspondentes, a pesar de que xa se lle aplicara a bonificación no exercicio anterior.
- A documentación acreditativa requirida para a aplicación da bonificación ou cota voluntaria correspondente, deberase entregar no formato que se estableza cando se abra o prazo de configuración da colexiación.
- A documentación acreditativa deberá aportarse no momento de realizar a solicitude de aplicación da bonificación ou cota voluntaria. En caso de que a mesma sexa errónea ou incompleta deberase completar nun prazo de 15 días desde a solicitude. Os colexiados que soliciten unha bonificación ou cota voluntaria e que non aporten a documentación acreditativa no período indicado, deberán abonar a cota íntegra anual que resultaría de non aplicar a bonificación ou cota voluntaria. Isto non implica



a perda do dereito á bonificación ou á cota voluntaria senón que supón que neses supostos a obtención da condición bonificada e en consecuencia a aplicación efectiva da bonificación ou cota voluntaria quedará pendente de que os Colexiados aporten toda a documentación acreditativa correspondente.

- En caso de que, unha vez recoñecida unha bonificación ou cota voluntaria, se perda o dereito a desfrutar da mesma por incumprir os requisitos establecidos, a Secretaría Colexial poderá determinar a perda da bonificación ou cota voluntaria no exercicio no que se produza o incumprimento e no seguinte.
- A ocultación ou simulación de datos que o Colexio deba coñecer no exercicio das súas funcións de control ou para o reparto equitativo das cargas Colexiais, segundo o art. 69,3 j) dos Estatutos, constitúe unha infracción grave suxeita a responsabilidade disciplinaria.
- As bonificacións ou cotas voluntarias dispoñibles en exercicios anteriores, que non se recollan na presente regulación das cotas, caducarán cando remate o ano natural no que se recoñeceron.
- A Secretaría Colexial, en caso de estimalo oportuno, reservárase a posibilidade de requirir os documentos que considere necesarios para completar a acreditación da bonificación ou cota voluntaria.



NORMAS PARTICULARES EN FUNCIÓN DAS BONIFICACIÓNS E COTAS VOLUNTARIAS:

1. Bonificación primeiro ano de colexiación.

a. Beneficiarios/as:

Licenciados/as en arquitectura, con título español ou estranxeiro, que non estiveran colexiados con anterioridade en ningún Colexio de Arquitectos de España, e que soliciten e obteñan a colexiación no COAG.

b. Requisitos:

- Aportar a documentación requirida para a súa colexiación
- Obter a alta colexial mediante acordo da Xunta de Goberno, a Comisión Executiva ou mediante acordo provisional do Secretario da Xunta de Goberno.

c. Duración:

Aplicarase o desconto de primeira colexiación durante o primeiro ano natural, e para emitir unha única factura de colexiación prorratearase o desconto pendente de aplicar na totalidade do exercicio seguinte.

2. Bonificación Desempregados/as.

a. Beneficiarios/as:

Os/As colexiados/as que se atopen en situación de desemprego, que non exerzan a profesión por conta propia ou allea e que presenten a correspondente documentación acreditativa.

b. Documentación Acreditativa:

- Certificado de demandante de emprego do Servizo Galego de Colocación, do INEM ou servizo público similar.
- Declaración expresa manifestando cumprir os requisitos para gozar da bonificación correspondente, comprometéndose a notificar calquera modificación nas circunstancias que orixinan a aplicación da presente bonificación ao Colexio, conforme ao modelo establecido.

3. Cota voluntaria funcionarios/asalariados públicos con dedicación exclusiva.

a. Beneficiarios/as:

Os/As colexiados/as que exerzan como Arquitectos funcionarios ou persoal laboral fixo con dedicación exclusiva ao servizo das Administracións Públicas, Entes e Empresas Públicas, sempre que o xustifiquen aportando a correspondente documentación acreditativa.



b. Documentación requirida:

- Certificación administrativa, expedida por quen corresponda na entidade na que o colexiado/a solicitante desempregue as súas funcións, acreditando a condición de funcionario/a ou empregado/a público e que se atopa en réxime de dedicación exclusiva e, por tanto, incompatible co exercicio libre da profesión de Arquitecto.
- Declaración expresa manifestando cumprir os requisitos para gozar da bonificación correspondente, comprometéndose a notificar calquera modificación nas circunstancias que orixinan a aplicación da presente bonificación ao Colexio, conforme ao modelo establecido.

c. Requisitos:

A subscrición da cota voluntaria por ser funcionarios ou asalariados públicos con dedicación exclusiva, é incompatible coa pertenza a calquera das listas de peritos elaboradas polo COAG. En caso de anotarse nestas listas dalgún beneficiario da referida bonificación, a mesma será anulada e o colexiado deberá aportar o importe da cota íntegra anual que resultaría de non aplicar a cota voluntaria.

4. Cota voluntaria xubilados/as sen actividade profesional

a. Beneficiarios/as:

Os/As colexiados/as que non exerzan a actividade por conta propia, e que se atopen en situación de xubilación ou prexubilación, incapacidade total, absoluta ou gran invalidez para o exercicio da profesión, poderán solicitar dita cota voluntaria mediante a presentación da correspondente documentación acreditativa.

b. Documentación acreditativa:

- Documento emitido pola Seguridade Social ou da Hermandad Nacional de Arquitectos acreditando que o colexiado solicitante se atopa na situación de xubilado, prexubilado, incapacidade total, absoluta e gran invalidez.
- Declaración expresa manifestando cumprir os requisitos para desfrutar a bonificación correspondente, comprometéndose a notificar calquera modificación nas circunstancias que orixinan a aplicación da presente bonificación ao Colexio, conforme ao modelo establecido.